

» no ghe sia posto rimedio, el serenissimo Mazor Conseggio poderà
 » facilmente riconoscerlo.

» No me se obbietti, che mentre ogni una de ste tre distaccate
 » materie poderia dar campo a lungo ragionamento, mi me le sia
 » proposte tutte tre in questo mio rispettosissimo discorso a trattar.
 » Tutte tre analoghe, una generada dall' altra, le ze e sarà una il-
 » lusion el pretender de sradicarghene una, lasciando le altre due
 » in vita. Sulle arti, sui mestieri ga el ministero ingerenza: come
 » regular questo e non quello? Sto ministero da altra parte vien
 » tratto dal popolo; se questo non ha costume e educazion, come
 » porlo esser utile, come retto e incorrotto? El venditor, l' artesan,
 » se bandido el lusso, nol se regularà, come poderalo contentarse
 » de un guadagno discreto, che a saziar le sue spese giornaliere
 » non basta? Ecco come se dà la man e se unisce l' eccessivo valor
 » dei generi col lusso, col costume e col ministero.

» El prezzo eccessivo dei generi de prima necessità no se pol
 » confrontar nè con quello de qualunque età trascorsa della vostra
 » Repubblica, nè con quello de alcune delle nostre suddite terre.
 » Mai el fu tal in quattordese secoli, mentre a Venezia se paga la
 » carne a quattordese, e al Dolo e sul Teraggio la se magna coi
 » debiti aggravii a diese. Stà altezza de prezzo pol derivar la sua
 » causa o dalla minorazion del genere, o dall' aumento della popo-
 » lazion, o dall' accrescimento dei dazj, o dalla variazion del valor
 » de monede. Carne ghe n' è sempre stà, el numero del nostro po-
 » polo ze, o minorà, o presso poco l' istesso, pochissima differenza
 » nei dazj, le monete con decreto dell' eccellentissimo Senato 1717
 » le fu formade, e da quel tempo non ostante in tutti i viveri ghè
 » la differenza de un 80 per cento. Ha sempre avudò la mira i vo-
 » stri sapientissimi maggiori de tener a bon prezzo al so popolo i
 » viveri de prima necessità. Ma la carne la fu alzada a più de un
 » quattrin. Esempio raro nella storia dell' economia de quei tempi
 » ze l' accrescimento de un soldo. In ancuo, de sbalzo, senza nessuna
 » rason, dal Venere al Sabo, la vedemo crescer quattro soldi per